



# 中國地方志集成

鄉鎮志專輯 ①⑨

梅里志

梅里備志

梅里志校勘記

竹里述略

竹林八圩志

聞湖志稿

新豐鎮志略初稿

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸  
王海浩

中國地方志集成

鄉鎮志專輯 ①

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價：二四五元

1992年7月第一版 1992年7月第1次印刷  
ISBN 7-80569-643-8/K·81

沪新登字119号

梅里志序

嘉慶改元先大夫閣學公自栢蒼移守嘉禾時余甫弱冠隨侍郡署先大夫下車卽興除利病振文教樂造就郡之人士一時執業門下者衆如錢恬齋朱棠堂丁小鶴李薌沚諸君子皆最被知賞余因得與相交契薌沚家長水之梅里往來酬接尤數值今 宮保制府師儀徵阮公視學兩浙按試禾郡詢梅里

梅里志序

朱竹垞檢討曝書亭遺構已久傾蕪與先大夫商謀重建因各捐廉規址庀材屬先大夫飭度其事次年亭成公偕先大夫親至梅里以落之余亦嘗過訪其亭所謂菱池槐汧南垞北垞者舊蹟尚存裴回久之猶可想當日風雅之勝概焉余旋供職戶曹歷詞垣先大夫在任纂修郡志某堂薌沚竝與分纂之役梅里曩有楊未孩始創志藁尚是粗就而未

加釐定其時略爲撰載郡志惜未遑而竟其業者今余奉

命宣藩蒞浙適鄉社補輯梅里志甫成將授梓請敘於余余惟梅里始開於元晉而明中葉而漸盛民物殷阜俗尚淳樸已成一巨鎮其撥科第而仕宦者皆有以收績固於時國初人文薈萃海內稱詩者咸推朱檢討李徵士兩家而王言遠思青上沈山子言上後

梅里志序

相應和故百餘年來其流風遺韻至今弗替不可無紀載以資考鏡薌沚爲徵士之後頗畱心鄉邦文獻是志復得續爲採采以補其闕而里之風土民情人物掌故耳聞目見舉凡古今事勢之異然具於編載若一都邑之勝吾知上諸翰墨他日有而修補省志乘者可據此以爲纂叙而亦見其詞治化之盛有

道光五年七月既望

欽命浙江承宣布政使司布政使隨帶軍功  
加一級長白繼昌撰

梅里志序

梅里志自序

去嘉興城南三十餘里里曰梅會市曰王店長水環其外硤石大小墳山爰史諸阜亘其南有水自西而東沿泗三里曰梅谿繞谿南北闊闊煙火不下數千百家其間人材輩出政事文章彬彬極盛擬諸通邑大都焉而園林第宅浮屠之宮參錯郊野間者廢興不一攷信無從余竊憾之康熙初杜宗伯遇徐里人也王尙書阮亭送其南歸詩云亦欲投簪東海去便從梅里問幽棲金榮箋註則曰陸廣微吳地記仲雍卒葬梅里注又名番麗今橫山惠棟訓纂則曰路史國名紀梅里在蓋閭城北五十里輿地志吳興城梅里平虛卽此

梅里志原序

引證之繆由未見至元嘉禾志耳而吾里之好事者乃謂里中之響鈴墳卽仲雍墓悠謬之談余尤懼焉年來客桐谿課讀之暇不揆樗味輒箋鄉先輩朱太史竹垞詩凡見載籍中有單辭隻字涉吾里者亟爲鈔撮暫歸里門卽往荒墟古剎遇有殘碑斷碣手錄以歸會稽之分四十門合十二卷名曰梅里志蓋稿屢脫而發凡亦幾經更定矣聞朱太史昔曾欲輯里志未果後屬門下顧松壑且語與蓮西共成之卒亦未就今距太史歿又六十餘載其遺文不知散軼幾許而故老亦畧盡矣余不敏敢自附作者之林惟是鄉里文獻見遺於志乘者不忍視其湮沒亦詩人桑梓敬恭之義也世之覽者

倘其諒余之心而匪余所不逮是則余之厚幸也夫

乾隆三十有八年歲在昭陽大荒落元月中澣四十二間廡  
底容楊謙書

梅里志序

補輯梅里志序

嘉慶庚申郡守伊小尹師以郡志久未纂修延邑人士共事  
編輯余與楊子文樸同預分纂之役時設局於駕湖講院  
夕商榷得悉其尊先人未移先生憲有梅里志因請借觀一  
過規模粗就尙未卒業嗣後星離雨散不復相聚甲戌余各  
莫釐聞文樸在桐谿病逝卽寓書於其弟文瀛以是書存  
里中故實勿任其散佚文瀛卽檢篋見寄屬爲踵成之伯兄  
引樹曾加校訂余頻年羈旅四方亦未暇及此今歲暫息  
輟杜門里居始得披校是書分門實三十有六曰鄉村所列  
皆去里三五里以外曰里諺僅載五六條不足以分目曰書

梅里志補序

碩曰壽母所載殊猥瑣曰碑刻曰校警碑刻祇數種校警亦  
無甚關於稽攷今拉爲刪并山水一門載大小橫山及硤石  
東西山然一屬海鹽一屬杭郡之海昌地志皆以疆域爲限  
斷未可借材於他境故邑志俱不載今亦刪之其餘悉仍舊  
目而增坊表祠室至遺聞軼事尙有未經摭采及三四十年  
來之人物咸爲補輯庶幾先生未竟之志得藉以成蓋梅里  
雖僻小而文獻之盛不遜於通都大邑然則異日上諸史館  
及有修郡邑志者亦足據此以爲徵信焉爾

嘉慶二十五年歲在此章執徐相月同里後學李富孫述

續修梅里志序

里志創議於竹垞老人纂修於楊氏未幾增輯於李氏鄉社相去各數十年迄今又數十年矣中經衰亂梨棗剝蝕鄉社子蒼雨思補刊之而未果也夫修志難鄉僻之區視都會爲尤難兵燹之餘視承平爲尤難通都大邑人物蔚起徵文考獻網羅易集而不然者病於孤矣兵革不興閭井晏然耆舊傳聞流爲故實而不然者患於湮矣里處郡邑之南穀布交易士多寓公復經髮逆騷擾園亭巷巷慨焉滄桑余先後涉足凡三十年舊時遊釣之所談謔之侶已幾幾乎不可復識矣今年春郡尊許雪門太守與修府志檄駐里沈小槎貳尹

梅里志續補序

等捐經費遂邀毛雲逵沈伯淵李小康李硯雲並王鑄言陳聯卿兩同年及嘯松舍弟相與轉勸時舍弟輯梅里殉難錄甫竣固多方采輯以續成之即請郡局撥貲以付剞劂雖不敢謂竟無遺漏而不得謂非有意紹述者余適歸自南海風雪歲暮庭鮮履綦爲之校閱一過並誌數語以列簡端時光緒二年冬十二月

賜進士出身翰林院庶吉士余弼謹撰

補輯梅里志凡例

一原志序云分四十四門然自沿革至詩話實僅三十六門今刪去鄉鄰里諺者頗壽母校謄以先達易仕宦太學易雅選贈贈恩蔭并爲封廕而增坊表祠宇錫恤凡三十二門

一原志科第有表薦辟明經雜選均未列表今並依科第爲表以歸一例

一原志一人有兩見如蔣薰既入先達復入孝義范路入孝義又入隱逸朱茂階顧仲清既入文苑又入藝術李宗仁既入孝義又入文苑皆與史體不合今並爲刪併

梅里志凡例

一原志尙未卒業每門亦無小序兼有采錄他書隨手補綴不免冗複舛錯今悉刪正以就簡嚴

一先生卒於乾隆乙巳迄今已三十餘年凡事在乙巳以後者皆爲補入并許燦梅里詩輯春風錄及伊府志司縣志等書亦並輯補

一原志各傳於每人著作未能一例盡載今並刪去統見於著述門以省繁複補輯各傳亦同

一里中爲人文之數其有列傳不能盡載則以其詩文等集備載於著述門亦可畧見其梗概以藉爲闡揚云

一余生既晚又自壯歲遠游故老俱已凋謝里中遺聞軼事

未能盡悉今增輯此書願諸同志共商訂之

梅里志凡例

二

梅里志目錄

卷一

沿革

疆域

山水

卷二

古蹟

坊巷

表橋梁

卷三

寺觀

卷四

寺觀

卷五

寺觀

梅里志目錄

二

寺觀

祠宇

卷六

園亭

第宅

卷七

墓域

銅鄣

物產

風俗

卷八

科第

薦辟

明經

雜選

封蔭

卷九

任宦

孝義

卷十

文苑

隱逸

卷十一

藝術

釋道

流寓

卷十二

節烈

卷十三

節烈

卷十四

節烈

閨秀

卷十五

梅里志目錄

著述

卷十六

著述

碑刻

卷十七


舊聞


卷十八

詩話

# 梅里全圖

梅里全圖





梅里全圖

梅里在縣南三十六里舊志稱一方都會南界海昌境十里東界海鹽境五里西北界秀水境十里西南界桐鄉境十里北界新塘橋十里廣袤約二十里四屬以此為限而支河橋梁並藉以表識焉

梅里志卷第一

里人楊 謙纂 李富孫補輯

沿革

補梅里秦漢屬由拳吳為嘉興唐時隸蘇州至僖武肅王置嘉興鎮設鎮遏使一人時王遠居此為王店鎮之始宋初以嘉興隸浙西路明吳元年屬直隸洪武間改隸浙江而梅里之稱以遂環植梅花因名焉

梅里志卷一

越地屬楚秦始皇二十五年置長水縣屬會稽郡東巡桐汭長水徙今治改名由拳二世元年項氏據為西楚地漢高祖三年立兄賈為荆王地屬之十一年賈誅復立會稽郡十二年封賈子濞為吳王地屬吳吳廢復隸會稽東漢永建四年分浙西為吳郡屬吳三國吳大帝黃武四年割出寧海鹽二縣地為鹽官縣黃龍三年由拳野殺生改為禾興因以紀年赤烏五年避太子承禪改禾興為嘉興梁太清二年嘉興隸吳州隋文帝開皇九年罷吳州改吳郡為蘇州陸績塘為杭州廢嘉興入錢塘屬杭州唐武德七年復置嘉興屬蘇州八年嘉興又廢唐太宗貞觀元年復嘉興縣仍屬蘇州

道大歷五年陞嘉興爲學縣十四年改隸浙江後唐莊宗  
光二年吳越王陞嘉興爲開元府蘇州爲中吳府置嘉興鎮  
明宗長興二年文穆王罷開元府復屬中吳晉烈祖天福四  
年以嘉興爲秀州另立嘉興縣宋太宗淳化三年隸浙西路  
政和七年改秀州爲嘉禾郡宣和三年復改爲州寧宗慶元  
元年陞嘉興府元至正十四年陞爲嘉興路元末爲張士誠  
所據明太祖吳元年改路爲府屬直隸建洪武十四年十一  
月始以嘉興府改隸浙江宣德四年析嘉興置秀水嘉善兩  
縣而梅里仍屬嘉興

皇朝因之百年以來休養生息物阜民康爲縣南一巨鎮焉

梅里志卷一 沿革

梅會里在大彭嘉會二鄉間石晉時鎮遏使王元之居也

植梅百畝聚貨市易今稱梅谿亦曰王店至元九年

大彭鄉管里四曰朱塔力林陳浦梅會嘉會鄉管里四曰

曹興梅會朱巷張滿同

大彭鄉治南十里舊里四朱塔力林陳浦梅會今十六都

里五十七都里十一十八都西南區里十二西北區里十

嘉會都治南二十里舊里四曹興梅會朱巷張滿今十八

都東區里一十五十九都西區里十一二十都里十

大彭之鄉大河一支河一圩二十一嘉會之鄉大河一

河一十七圩三十六同

王店鎮在縣南三十六里嘉興府志

王店鎮有工部尚書王達者世居大彭都官離里自達構

屋於梅谿聚貨貿易因名王店嘉興府志

王店鎮王達之武肅王時爲嘉興鎮遏使仕至尚書後居

梅水百畝皆梅花至今稱爲梅里嘉興府志

武肅王置嘉興鎮即今之王店鎮同

嘉興南有馬塘堰又南有王店明史

一曰王塾梅里志

一曰王鎮梅里志

梅里志卷一 沿革

宋將仕郎九二公善懋遷遂成市稱王店誌陰陽書中

人行

補梅里自王尚書達後簪纓相繼日漸殷庶遂成巨鎮

春風

予年十七避兵練浦歲已丑徙將四起遷移家梅會里

在大彭嘉會二都之間市名王店或曰石晉時鎮遏使達

居此故名或曰宋尚書居二之宅或曰元學士景家於是

或曰元學正綸也傳聞各異己亥十月訪蔣布衣之題於

射襄城蔣語予曰子知王店之所由名乎洪武中孝廉繡

及弟鈞之所居也因出其所輯梅李詩乘則二王詩俱在

焉併出二王合刊詩稿舊本共一冊燈下讀未竟客至輒飲而罷後見水竹居詩一卷中載二王詩各一首因亟錄之梅會一作梅漚水曰梅谿鋪詩所云吾家舊在梅谿上是也梁孟敬石門集有題嘉興王氏梅花莊詩未審卽是二王所居否因錄鋪詩附誌於此

宋興會鋪志居詩話

予將謀隱梅里五月十九日梅里爲盜所劫因寄山顏錫曹山子青士諸子詩聞聞難久居仁里素所慕一水繞通渠雙峯橫古路禽尚宛然在直爲高世度桑竹舊成鄰漁釣不知尋賊徒來何方飛糴忽屯聚煌煌白日明焚劫怖童孺豈恃招撫仁將謀進身具警急近城南繼此足深慮

梅里志卷一 沿革

四

吾方營一校盡室伴鷗鷺髮變爲霜他鄉那如故目擊恐懼頻買山匪細務須知遭亂人流坎兩無據先哲戒求安達生等詳

齊濟詩傷堂集

疆域

補里在大彭嘉會二郡之閒長水東爲大彭都西則嘉會都也亦曰梅漚廣袤二十里許市僅三里爲嘉興四鎮之一云

東至曹王廟十四里

曹王廟在縣東南四十里宋元時鄉人崇奉最謹有碑殘毀惟云唐天寶間里人王友文捨宅創建有殿廡五楹樓每歲三月鄉人市女燒香者萬計

志

曹王祠不知所自始故老相傳云曹武惠王彬平江南不妄殺邦人感而祠之明萬厯間重修按曹彬下江南晉人

梅里志卷一 疆域

五

有辨其未嘗至吾嘉者況王姓舍宅已在唐天寶間宜作曹信父子爲是

志何

補明成化壬辰嘉興府知府楊繼宗題曹王廟七律一首萬厯辛巳當湖曹煒次韻三首勒石尙存殿後一室乾隆壬辰羽士萃凝屬楊君謙分書題曰小蓬壺

春風錄

許恂如曹王廟詩報祈循吏合蒸嘗燭祝多男笑羹香但解兒曹提印好不知誣卻濟陽王

志何

沈宗良詩燕稍畫舫盪斜暉知是曹王廟裏歸拍按歌聲猶緩緩烏銜花片故飛飛

鷺水鄉音

蔣薰游曹王廟詩畱得江南十里春曹王廟外踏青頻醉

翁買個酒仙伴遊女生憎泥美人廟中祠仙泥美人諸士僧雷素堂集  
諱吉璉和鴛鴦湖權歌碧瓦珠光火一丸綠楊絲掛絲簾  
乾泥孩縱說郎延好不及曹王廟上看朱詩

北至石佛寺二十里

寶一作保石佛院在嘉興縣東南唐至德二年於寺基掘

得石佛四軀至今見存天聖中賜名寶聖人但呼石佛寺

聖像括

西至唐旬寺二十里

唐旬鎮舊唐旬村在千金鄉去縣東南二十餘里商賈貿

易亞於他鎮縣志

梅里志卷一

六

北至濮院鎮二十里

濮院鎮在梧桐鄉元有右族濮氏居焉流水環繞土沃宜

桑云即古橋李墟也有范蠡塢洗足灘胭脂雁濮元帥別

堂在焉

濮院鎮元濮鑑爲寧遠將軍有八宅此其一也詩繫

濮院鎮在古橋李地梧桐鄉去縣東北二十里宋建炎二

年著作郎濮雲翔從高宗南渡卜居此地元大德間名永

樂市濮氏構屋開街召民貿易鎮遂因以名東連秀水南

界嘉興萬家煙火民多織作綢絹爲生爲都省商賈往來

之會而風俗淳茂書聲達戶前明楊述爲開國解元楊青

爲開邑甲科俱產其地宋景濂諸先生嘗摘濮川八景繪  
圖賦詩以誌其美洵人文之淵藪也縣志

南至硤石鎮二十里

唐置硤石鎮鎮西爲紫微山與鎮東東山相峙因曰硤石

亦名雙峯天目分流正出其中即谷水也地理

梅里志卷一

七

山水

補吾邑百里無山里南十里許有父史二山已半屬桐鄉  
正南十五里有大小橫山屬武原更南三里硤石東西兩  
山別屬海昌而長水發源天目經硤石東北流二十里至  
海鹽更北流四十里入於澇湖其間川澤縈紆襟帶左右  
通達遠近皆有支派可別焉

父山在里西南九里嘉會都千金圩半屬桐鄉

父山在縣西南五十七里高二丈周回七里放證昔道士

受基隱居學道於此後尸解焉因以名

補父山之西麓爲桐鄉縣境

方輿紀要

梅里志卷一 山水

八

貝瓊游父山記庚戌春清明陳君仲謀約子游父山天雨  
不果行今年春三月丁酉天氣澄穆子與仲謀幸無事携  
廼促治酒肉飲食以帥陳熊陳魯兩生泊子子駒由大谿  
北折而東度陌越阡至父山之趾居人四五家皆棘樊荆  
扉雞犬相應髣髴桃源中而里之巨族卜氏有冢在山半  
冢後得支徑而上高下稚松萬株環合無路僂首松下偃  
僂行而雲氣相蕩不啻魚泳波濤中山回路盡有石巖然  
壁立者卽父道人尸解處其巖有小石突怒土中類逆笋  
者有盤互類木走長根者方飲酒大醉昏然欲睡皆踞石  
而坐松風謾謾吹人衣耳目爲醒已而復東其塗漸夷有

公主墓云宋孝宗女葬於此又行至東山則所謂史山者

視父山稍卑上建神宮祠人至而禱者前後相屬予亦倦  
而休焉因觀祠旁古井井深二仞而泉聲可鑑疑仙者洗  
藥於此或云山僧盤石以濟三伏之渴者入獲汲以飲焉  
山之勝殆盡於是矣日暮下山路益峭或有雞子石磊磊  
至不容足而山陽王氏巨竹千挺參天以非好事者不得  
造其所近山又有三湖青滄黛蓄與天一色錦鳬往來可  
畫從者艤舟以待與與二生皆登舟仲謀從子徒行歸

集江

朱葵尊父山題壁予避地梅會距父山一十三里居未定

梅里志卷一 山水

九

南至於端州西北窮乎雲朔東放琅玕茲山在戶牖之外  
歷四十九載未之游焉歲在丁丑九月九日期譚十一給  
事兄踐登高之約舍舟而陸杖藜偕行山高僅二丈逶迤  
七百步上有銅棺冢道士受基尸解葬焉遺井尙存傳是  
基所鑿也石皆赭土人伐以綠垣歲既久山失其半惟一  
僧舍獨存拓北窗灌木一林葉未黃落寺僧爆新栗以進  
僧帶因蟬取其寶簪之味若嚴桂之始花然當元之季貝  
助教瓊來居千金之圩暇與比隣諸子燕飲於是其後入  
爲史官分教中都胄子恒思此樂之不易得見諸吟詠今  
給事暨子已脫朝簿歸田敝車小舫縱吾意所如而莫爲

之限且天假以年老而不學分寸之陰皆可惜盡不各載  
書卷而寓茲山相與辨析古今疑義別其是非用示後學  
此亦事機不可失者也給事曰弟之言然廼分書於寺壁  
下山景者

受山在府城西南五十七里舊屬嘉興今折屬桐鄉縣東  
南三十五里千金鄉昔有道士受其尸解於此惟存巾篋  
葬之號銅棺冢山有兩峯東峯號史山明初貝清江朱以  
貞結受山詩社後郭觀察舜舉吳洪雅公治西林僧公明  
輩繼其盛云又有洗藥井藏兵塢潮音院顯靈廟係宋時  
祀三衢周孝子封顯靈王者慈烏泉鳴石品陶宏景真誥

梅里志卷一 山水

云嘉興受季真於宋景和元年得晉楊許三真手蹟於刻  
縣馬氏以呈廢帝又陶隱君弟子題名有嘉興受與祖李

洗藥井在受山即受仙煉丹所禾

受仙石在山左赤沙泉與受仙石近開素

潮音院在受山禾

藏兵塢在受山山形如蛇中有斷處時見陰雲光怪相傳

爲古覆兵處桐鄉

顯靈廟在受山寶慶元年建三衢孝子周姓子而成神  
者也宋封周顯靈王禱者甚衆同

明國子助教貝瓊宅在受山後今作菴禾  
銅棺冢在受山受基成道其弟子以巾篋葬於山按漢陽  
羨袁玘有道術卒後風雨失柩夜聞荆山有人喊聲鄉民  
往視則棺已成冢因呼銅棺冢言非人力也茲冢其卽此  
義與同

史山在受山之東上有神官祠下有公主墓梟冠渡

史山即受山東峯高十餘丈前有貝瓊宅并來青堂桐鄉

山東峯神祠旁有古井泉瑩可鑑名山

宋孝宗公主墓在受山東紹興二十四年封碩人進永嘉  
郡主三十二年卒詔以醫官李師克等付吏訊治時孝宗

梅里志卷一 山水

尙在東宮奏臣女幼而多病不宜罪醫遂寢乾道二年贈  
嘉國公主葬於此禾

受史兩山間有公主墓元末貝瓊詩云佩環何日歸公主

泉下銅棺闕千古是也康熙癸亥喧傳石裂銅棺見桐鄉

令何公禁止不發蔣丹崖薰作銅棺辭曰宋朝公主闕銅

棺五百年來灰土寒青草塚憐何大令佩環歸否出入間

桐鄉間

史山有葛洪丹井雷素

來青堂在受史兩山間元陸景遠居此桐鄉

上庭遊史山詩言從山後路九折到禪扉過日汗流背迎

風沙入衣啼花來烏獨采藥問人稀零落存丹井尋仙意未違

梅谿卽里中市河縣亘三里長水之支派也乾隆壬午閏五月里人公捐開塘

梅谿在縣南四十里

柳志

梅谿治南四十里谿旁村落多樹梅故名

吳志

余近移家長水之梅谿父山在其西橫山在其南皆可望見

暴書亭集

〔補〕長水自南來至慶豐橋支流折而東爲市河卽梅花谿當時人煙未聚谿兩岸皆梅花故得此稱今民居稠密夾

梅里志卷十

山水

主

岸無隙地矣谿又東十餘里至橫漚會於海鹽塘

春風錄

楊雍建欲往梅谿不果詩梅谿還憶昔游時滿壁松風落酒卮三徑雲生苔石冷四花香送夕陽遲幾回夢遶禪宮

月無柰空吟逆旅詩何日扁舟尋故侶重登小閣望東籬

清詩初集

繆涿村居禪詠長水南塘路向西西谿東畔是梅谿乘舟慣出梅谿市曲岸藤花咫尺迷

詩谿集

朱蕤尊鸞鸞湖樓歌谿上梅花舍後開市南新酒釀新醅

尋山近有父基宅看雪遙登顧況臺

暴書亭集

長水塘在里之西發源天目南白硤川北往南湖

方輿紀要南湖一名

〔補〕計六十里秦時所鑿

秦置長水縣於谷口湖後改田拳塘仍名長水

吳地記

長水塘在縣南六里通硤石案舊志載吳錄地里曰吳王

時此地本名長水故嘉興亦曰長水秦始皇東游至長水

聞土人謠曰水市出天子從此過見人乘舟交易應其請

遂改爲由拳縣塘今仍舊云

柳志

長水塘縣南三里水自海寧諸山貫硤石東北流五十里

入嘉興縣境合於鴛鴦湖

何志

〔補〕長水自硤石北流二十里至王店鎮

在王店南數里已入縣境

又北

梅里志卷十

山水

主

二支其正支出大馬王塘橋東北流經秀水橋入鴛鴦湖

其旁支出小馬王塘橋西北流會九里港入秀水縣界之

姚家蕩

嘉興縣志

祝守範長水道中詩風雨孤驢路政踪望中秋色滿蒹葭

身驚久病渥同幻鬢看新愁雪漸加巨浪盡行聯佑船寒

燈夜宿傍人家幽懷整向湖頭放筆擬佳期對月華

非非集

朱德培長水詞妾恨遠人遠安知長水長輕帆無處泊只

恐到斜陽

西園刻

王庭長水雨歸詩渾覺行來重冥冥宿霧中牽愁終是雨

破夢不聞風野色連沙鳥秋聲入岸蟲葉散搖落後相泣

客塗窮秋閑

又長水道中惜雙雙令詞一歲定須來幾度來未久還須  
歸去最怪經過處風風雨雨長塘路此身常似無家住嗟  
老矣奔波猶故淡繫袍難做人只爲浮萍誤秋閑

周質長水道中詩晴輝初日迴移權白青谿綠樹回看令

青峯望卻低波浮紛藻荇沙浴亂鳬鷺坐聽漁歌發悠悠

裴島西梁山

徐在同鹿堂泛舟長水翫雪詩螭螭塘畔小沙船素練明

河積雪天露出一痕青點處始知樹在破村邊演谿

朱彝尊長水曉行詩月暗千重樹風微一葉舟殘星高太

梅里志卷一 山水

白重露滴牽牛菰乳新漿熟魚標小市收不知葭莢岸吠

蛤爾何求晏書

又鴛鴦湖擢歌長水風荷葉葉香斜塘慣宿野鴛鴦郎舟

愛向斜塘意終憐長水長同上

香慎行二月十六夜自長水塘乘月放舟二鼓抵嘉興城

下作兩岸靡靡桃李花一天風露屬漁家小船臥聽擢歌

去行到鴛湖月未斜敬業

潘耒過長水訪朱竹垞閣其藏書同過天香菴看梅尋繆

天自李斯年周文石諸故舊詩將爲汗漫游取別膠漆友

小別動經年那能遽分手我已懸旌不可畱君言停橈且

少休子非壯年我頭白豈可相過如浮鷗感君此意如一

日閱君藏書富無匹列積芸籤盡秘本連牀蹠紙多鈔筆

隻字搜來煇火餘兼金購自故家出一編已堪壓鄒架三

篋定可補石室今年積寒勒江梅絕奇上已逢梅開野巷

疎籬十數樹如娟香雪黏蒼苔此鄉故友多零落終李猶

存欣矍鑠浮沈不異九秋萍山處何如一邱貉古南禪伯

今則無牧雲米市詩翁不可作文石之人生良晤非偶然

不惜明燈照深酌吾曹自有千秋期莫嗟衰晚愁鬢絲旂

常鐘鼎非吾事著書藏山猶未遲我方躡屨登匡廬君亦

浮舟游武夷歸來各攜赤支綠玉字要補上世石鼓銅槃

梅里志卷一 山水

醉遂初

腹歎幽棲詩四十爲漁長水西汀蘭沙鳥共幽棲雨餘籬

落經蛛網風靜檐牙上燕泥欲醉且圖元亮酒民貧一任

少陵妻苦磯倦倚還持釣莫管柴門日色低桃苒

楊爲裴長水夜泛作涼宵初散雨溟濛橋李城南泛短篷

幾處漁燈分遠近一灣蟾影半朦朧渚蘆葦水堆秋雪塞

雁驚寒過朔風茶竈筆牀饒韻事祇憐不與故人同詩鈔

谷水在里西卽長水也

陸機詩云髣髴谷水陽眷戀崑山陰蓋此渠足以分震澤

松江之水南入於海也後世者湮廢人不復知其名嘗質